



ՆՈՐԻՆ ՍՐԲՈՒԹՅՈՒՆ ՊՈՂՈՍ Զ ՊԱՊԻ ՈՂՋՈՒՅՆԻ ԳԻՐԸ ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻՆ

ԾԱՅՐԱԳՈՒՅՆ ՊԱՏՐԻԱՐԷ ԵՎ ԱՄԵՆԱՅՆ ՀԱՅՈՑ ԿԱԹՈՂԻԿՈՍ
ՆՈՐԻՆ ՍՐԲՈՒԹՅՈՒՆ ՎԱՋԳԵՆ ԱՒՆ

Ձերդ Սրբություն,

Խնդրեցինք Մեր սիրելի եղբորը՝ կարդիմալ Ժամ Վիլբրանդսին, այցելել Ձերդ Սրբությանը սուրբ Էջմիածնի ձեր պատմական Աթոռում՝ ի գլուխ Հոռմի եկեղեցու մի պատվիրակության: Ցանկանում ենք, որ այս քայլը լինի Մեր երախտագիտական զգացմունքի մի նոր արտահայտություն այն այցելության համար, որ Դուք տվեցիք Մեզ Հոռմում երկու տարի առաջ և որի մասին Մեզ մի գեղեցիկ հուշագիրը ուղարկելու նրբազգացությունն ունեցաք:

Բացի այդ, կցանկանայինք, որ այս քայլը հանդիսանար նաև մեր և մեր եկեղեցիների միջև արդեն գոյություն ունեցող հաղորդությունը խորացնելու րադձանքի մի արտահայտություն և դրսևորեր Մեր կամեցողությունը՝ օգտը վելու սուրբ Հոգու կողմից ընծայված բոլոր առիթներից՝ առաջ ընթանալու համար այդ ճանապարհի վրա:

Մենք ուրախ ենք, որ, որպես հետևանք Ձերդ Սրբության կողմից Մեզ տրված այցելության, արդեն զարգացել է փոխադարձ սիրո և անկեղծ գործակցության մի նոր ոգի Քրիստոսի եկեղեցու ծառայության գործում. աշխարհի շատ մասերում կաթոլիկ համայնքներն ու հայկական համայնքները ձևք են բերել ի Քրիստոս իրենց միության մի նոր գիտակցություն:

Այժմ, երբ Մեր ներկայացուցիչները գալիս են Ձերդ Սրբության մոտ, Մենք կցանկանայինք վերստին հավաստիացնել Ձեզ, թե որքան ուրախ ենք զգում Մեզ այս զարգացումների համար և որքան վստահ, որ ինքը՝ եկեղեցու Տերը պիտի շարունակի, իրեն հատուկ ճանապարհներով, առաջնորդել մեզ դեպի ամբողջական կատարումը խաղաղության և հաշտության սպասավորման, որ նա վստահել է իր եկեղեցու հովիվներին (Կորնթ. Բ 5-18):

Մաղթելով, որ ամենակարողն Աստված իր օրհնություններով լցնի Ձերդ Սրբությանը, ձեր եկեղեցու եպիսկոպոսական դասին, հոգևորականությանը և հավատացյալներին, կրկին հայտնում ենք Ձեզ Մեր եղբայրական սիրո ողջ զգացմունքը ի Տեր մեր Հիսուս Քրիստոս:

ՊՈՂՈՍ Զ

Վատիկան, 9 մայիսի 1972 թ.